

Vlada TK: Za podršku mladima planirano 150 hiljada KM



Vlada TK je danas utvrdila uslove, kriterije i postupak za raspodjelu sredstava sa potrošačke jedinice „Podrška mladima“.

Radi se o programima kojima će se omogućiti subvencioniranje kamata na kredite za stambeno zbrinjavanje, kao i finansiranje i sufinansiranje projekata omladinskim udruženjima/neprofitnim organizacijama, a koji će za cilj imati unapređenje položaja mladih i jačanje omladinskog aktivizma u Tuzlanskom kantonu.

Također dio sredstava planiran je i za izradu Strategije prema mladima Tuzlanskog kantona za period 2020-2024. godina.

Ukupno planirana sredstva za ove namjene iznose 150.000,00 KM, a najveći iznos (100.000,00 KM) namijenjen je za program podrške stambenom zbrinjavanju, odnosno subvencioniranja kamata na stambene kredite mladih osoba.

Date: 20-08-2019